

防衛邊關

成化十四年五月初九日太子少保兵部尚書余等

題爲邊關廢弛防禦事該巡撫遼東贊理軍務都察院右副都御史臣陳越題切惟關隘之設察奸宄而防寇盜所以不爲而重守把奚可不謹今照山海關南臨大海北接高山乃京師之鎖鑰實遼東之襟候使守把官員能以邊關爲重提督官軍人等用心防察晝夜巡視奸盜無得而入邊軍從何逃遁雖尺寸之物亦不能過况於人乎奈何遼東所屬各衛軍士爲因徭役繁重負累艱難徃徃越過山海關逃走腹巢其陸續充鮮軍人多係奸盜詐僞之流有到衛旬月而逃者有著役未久而去者俱從山海關以此地名片石扒過關內或在

原籍隱藏或在京師躲住又有等巡山軍人通同本處無籍之徒在山上賸逃來軍餘人等在於山下用繩繫上貪圖財物引送領遞送甚有指指財物因而致傷人命此等事情已當發露且關門每日二次開放往來軍民人等及本城採打柴草之人朝出暮歸守門軍人見是本處撫採軍民不行仔細盤詰驗入致將在逃軍餘或串同遠引而過或度財夾帶而入緣潛逃過關之人未嘗捉獲解送贖職事發莫此爲甚刻山海之東北俱孛顏等衛達賊在彼住牧相距不遠若不早爲處置切慮年復一年日復一日官軍視爲泛常守備愈至廢弛非但遼東軍士通逃日衆抑恐虜地奸細窺知潛入探聽消細爲患非如蒙合無乞勅兵部行移彼處巡撫并巡關御史公同守關主事守備

指揮親詣一片石及別有可通人行去處相度形勢或打陡岐或挑掘壕塹務圖經久阻絕往來仍選委蕪償千百戶一員專一在彼往來巡捕防範及行守備守關人員今後務要嚴謹巡察驗放敢有仍前怠忽縱容軍餘逃過或查出或事發將守備并守把巡山官軍人等一体究問如此則法令嚴明巡守自謹廣使過軍免致逃匿縱有奸人亦莫能入矣具題奏奉

聖旨兵部知道欽此欽遵抄出案呈到部察照巡撫遼東右副都御史陳銑奏稱山海關每日二次開放往來之人被守把人員不行仔細盤詰驗入致將逃軍通引而過或有從地名一片石扒過關內或有巡山軍人每日在山上貪圖財物引領遙送一節該有此弊已非一日鎮守撫兵巡撫等官若止月加



意弊將漸絕奈何因循歲久以致廢弛及訪得居庸關其獎與此一律合無行移各處鎮守總兵巡撫守備等官先將各關通人去處逐一踏勘應砌牆者砌牆應削山者削山應挑壕者挑壕必能禁斷往來方爲事體停當既有其具即爲計畫守備盤詰事宜嚴督廉幹官員管領旗軍人等盡心所事鎮守總兵巡撫守備守關等官自成化十四年七月初旬爲始將上半年盤獲軍因等項逐件開具總類具奏以爲稽考勤怠至次年正月初旬却將今年下半年之數具

奏以後照例相襲而行官軍人等敢有受財賣放者治以重罪前項鎮守等官如仍因循坐視以致舊弊繼作聽巡按巡閱監察御史糾舉其附近前項

閹監軍民人等非公差應捕有能拿獲前項賣放軍人者等各就於犯人名下追銀三兩充賞庶幾人知所警法不縱容奉

聖旨是欽此